

Izvještaj o radu Uprave policije MUP-a Kantona Sarajevo za period januar – mart 2013.godine -

KRIMINALITET

STATISTIČKI PRIKAZ KRIMINALITETA

Na području Kantona Sarajevo u periodu januar - mart 2013. godine povećan je broj krivičnih djela za 10,5%, prijavljenih lica za 9,8%, maloljetnih izvršilaca za 5,3%, povratnika u činjenju krivičnih djela za 0,4% i lica lišenih slobode za 11%.

U periodu januar – mart 2013. godine, registrovano je 1.658 krivičnih djela, što je za 158 djela ili 10,5% više nego u periodu januar – mart 2012.godine.

U 496 slučajeva (29,9% od ukupnog broja krivičnih djela), krivična djela su izvršena od strane poznatih izvršilaca i izvršilaca zatečenih u činjenju krivičnog djela, a 1.162 krivičnih djela (ili 70,1%), prijavljeno je po nepoznatom učiniocu, od kojih je za 598 naknadno identifikovan osumnjičeni izvršilac (ili 51,5% od ukupnog broja prijavljenih djela po nepoznatom učiniocu).

Iz naprijed navedenog proizilazi da je tokom izvještajnog perioda, za ukupno 1.094 krivična djela ili 66% identifikovan osumnjičeni izvršilac, odnosno ukupno „rasvijetljeno“ krivičnih djela (0,3% više).

Za izvršenje navedenih djela prijavljeno je 865 lica, od kojih su 554 povratnika u činjenju krivičnih djela (ili 64% prijavljenih), 60 maloljetnika, a 363 lica su lišena slobode (ili 42%).

Usporedni pokazatelji stanja kriminaliteta po mjesecima u periodu januar – mart 2012. godine

| mjesec 2013.godine | januar | februar | mart | januar - mart 2013. god. |
|--|--------|---------|-------|--------------------------|
| broj krivičnih djela | 629 | 508 | 521 | 1.658 |
| ukupan broj „rasvijetljenih“ krivičnih djela | 415 | 344 | 335 | 1.094 |
| % ukupne „rasvijetljenosti“ KD | 66% | 67,7% | 64,3% | 66% |
| broj prijavljenih lica | 315 | 255 | 295 | 865 |
| broj povratnika | 179 | 177 | 198 | 554 |
| broj lica lišenih slobode | 128 | 106 | 129 | 363 |

U odnosu na usporedni period veći je broj prijavljenih lica za 77 (ili 9,8%), povratnika za dva (ili 0,4%), maloljetnika za tri (ili 5,3%) i lica lišenih slobode za 36 (ili 11%).

U ovom periodu za 784 službena izvještaja, od strane Kantonalnog tužilaštva, donesena je naredba o obustavi i neprovođenju istrage (223 ili 39,8% više).

Usporedni pokazatelji stanja kriminaliteta na području Kantona Sarajevo
u periodu januar – mart 2013./2012. godine prema glavama Krivičnog zakona FBiH-a i BiH-a

| KRIVIČNA DJELA PROTIV | januar- mart 2013. | januar- mart 2012. | uporedba | | „rasvijetljenost“ januar-mart 2013. | |
|---|--------------------------|--------------------------|------------|--------------|--|------------|
| | | | +/- | % | broj kd | % |
| Protiv života i tijela | 38 | 51 | -13 | -25,5% | 38 | 100% |
| Protiv slobode i prava čovjeka i građanina | 69 | 45 | 24 | 53,3% | 66 | 95,7% |
| Protiv spolne slobode i morala | 1 | 2 | -1 | -50% | 0 | 0% |
| Protiv braka, porodice i mladeži | 61 | 56 | 5 | 8,9% | 61 | 100% |
| Protiv zdravlja ljudi | 53 | 62 | -9 | -14,5% | 53 | 100% |
| Protiv privrede, poslovanja i sigur. platnog prometa | 1 | 0 | 1 | --- | 1 | 100% |
| Protiv imovine | 1.246 | 1.120 | 126 | 11,3% | 697 | 55,9% |
| Protiv okoliša, poljoprivrede i prirodnih dobara | 3 | 3 | 0 | isto | 3 | 100% |
| Protiv opće sigurnosti ljudi i imovine | 28 | 24 | 4 | 16,7% | 22 | 78,6% |
| Protiv sigurnosti javnog prometa | 27 | 17 | 10 | 58,8% | 25 | 92,6% |
| Protiv pravosuđa | 7 | 5 | 2 | 40% | 7 | 100% |
| Protiv javnog reda i pravnog prometa | 83 | 87 | -4 | -4,6% | 80 | 96,4% |
| Protiv podmičivanja i krivična djela protiv službene i druge odgovorne dužnosti | 4 | 3 | 1 | 33,3% | 4 | 100% |
| Privrede i jedinstva tržišta te kd iz obl. car. (KZBiH) | 1 | 0 | 1 | --- | 1 | 100% |
| Dogovor, pripremanje, udruživanje i org. krim (KZBiH) | 1 | 0 | 1 | --- | 1 | 100% |
| ZONDINOM-a (Sl.novine Kantona Sarajevo br.38/07) | 35 | 25 | 10 | 40% | 35 | 100% |
| UKUPNO | 1.658 | 1.500 | 158 | 10,5% | 1.094 | 66% |

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

U periodu januar – mart 2013. godine prijavljeno je 38 krivičnih djela protiv života i tijela (13 manje u odnosu na isti period 2012. godine) i sva ova djela su rasvijetljena, odnosno identifikovani i prijavljeni osumnjičeni izvršici.

Zbog postojanja osnova sumnje da su počinili djela iz ove oblasti podneseni su službeni izvještaji protiv 55 lica (sedam manje), a 19 je lišeno slobode (jedno više).

Evidentirana su slijedeća krivična djela: - ubistvo iz člana 166. KZFBiH-a – jedno djelo (jedno manje), ubistvo u pokušaju – četiri (tri više), teška tjelesna ozljeda – 21 (deset manje), lahka tjelesna ozljeda – 10 djela (šest manje) i učestvovanja u tuči – dva djela (jedno više).

Krivična djela **ubistvo u pokušaju** izvršena su upotrebom noža – tri puta i jedno upotrebom fizičke snage – gušenjem i to:

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 69 djela (24 više) i to: - ugrožavanje sigurnosti – 68 i narušavanje nepovredivosti doma – jedno djelo, a zbog izvršenja navedenih djela prijavljeno je 61 lice od kojih je 35 povratnika u činjenju krivičnih djela (ili 57,4%), a 13 je lišeno slobode. Sva djela ugrožavanja sigurnosti počinjena su upućivanjem verbalnih prijetnji koje su izazvale uznemirenje oštećenih.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 61 krivično djelo (pet više) i to: nasilje u porodici – 60 djela i oduzimanje djeteta ili maloljetnika - jedno djelo. Službeni izvještaji podneseni su protiv 60 lica od kojih je 29 povratnika , a 27 je lišeno slobode.

Uporedni pokazatelji broja registrovanih krivičnih djela nasilja u porodici iz člana 222. KZ FBiH-a po mjesecima u periodu januar – mart 2013/12. godine

| nasilje u porodici (član 222. KZ FBiH-a) | januar | februar | mart | januar – mart 2013/12.god. |
|---|-----------|-----------|-----------|-----------------------------------|
| januar – mart 2013. godina | 19 | 18 | 23 | 60 |
| <i>januar – mart 2012. godina</i> | <i>13</i> | <i>18</i> | <i>22</i> | <i>53</i> |
| uporedba | 6 | 0 | 1 | 7 |

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 57 lica (devet manje), zbog postojanja osnova sumnje da su počinili 53 krivična djela (devet manje) i to:

- neovlašćena proizvodnja i stavljanje u promet opojnih droga – devet djela (pet manje)
- posjedovanje i omogućavanje uživanja opojnih droga – 44 djela (četiri manje).

Zbog zloupotrebe opojnih droga 29 lica je lišeno slobode (šest manje).

U ovom periodu podnesena su 34 zahtjeva (29 manje) za vještačenje NN materije koja asocira na drogu po naređenju nadležnih tužilaca Kantonalnog tužilaštva Kantona Sarajevo. Takođe s ciljem pronalaženja narkotičkih sredstava izvršen je pregled 41 lica (15 manje), 15 stanova (šest manje) i većeg broja automobila po usmenim naredbama Opštinskog suda u Sarajevu.

Pregled oduzete opojne droge

| VRSTA OPOJNE DROGE | JANUAR-MART 2013. GODINE | JANUAR-MART 2012. GODINE |
|---------------------------------|--------------------------|--------------------------|
| Marihuana (u gramima) | 120 | 12.570,00 |
| Marihuana (paketići) | 26 | 122 |
| Marihuana (JOINT - cigarete) | 3 | 10 |
| Heroin (paketići) | 67 | 15 |
| Heroin (u gramima) | 30 | 1.631,00 |
| Amfetamin (u gramima) | 150 | 427 |
| Amfetamin (paketići) | 57 | 15 |
| kokain (paketići) | 15 | --- |
| NN (tablete) | --- | 72 |
| Hašiš (paketići) | 1 | --- |
| pribor sa ostacima droge (kom.) | 22 | 22 |

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ registrovano je jedno krivično djelo – prijevara u privrednom poslovanju za čije je izvršenje prijavljeno jedno lice. Međutim izvršenjem krivičnih djela koja su u vezi sa „privrednim kriminalom“, a svrstana su u druge Glave

KZFBiH-a i KZ BiH-a i to: zloupotreba položaja ili ovlaštenja – dva, neizvršenje sudske odluke, krivotvorenje isprave i krivotvorenje novca – po jedno djelo, a koja su zadokumentovana od strane Odjeljena za privredni kriminal tokom prva tri mjeseca 2013. godine, nastupila je materijalna šteta u ukupnom iznosu od 3.392,00 KM i 210 €.

Pregled nastale materijalne štete izvršenjem krivičnih djela iz oblasti protiv „privrede“

| SUBJEKTI | januar – mart 2013.god. | januar – mart 2012.god. |
|--------------------|----------------------------|-------------------------|
| PRIVREDNI SUBJEKTI | 3.392,00 KM | 42.496,00 KM |
| FIZIČKA LICA | 210 € | --- |
| UKUPNO | 3.392,00 KM i 210 € | 42.496,00 KM |

KRIVIČNA DJELA PROTIV IMOVINE

Broj registrovanih krivičnih djela iz ove oblasti čini 75,2% ukupnog kriminaliteta što predstavlja povećanje ovog parametra u odnosu na uporedni period za 0,5%, kada su „imovinski delikti“ činili 74,7% ukupnog kriminaliteta. Naime, registrovano je 1.246 djela iz ove oblasti što je za 126 djela ili 11,3% više.

Najbrojnija djela iz ove oblasti su: teške krađe – 766 (103 više), krađe – 172 (osam manje), razbojništva – 169 (četiri manje), oštećenje tuđe stvari – 45 (dva više), teška krađa u pokušaju – 21 (jedno manje), prijevera – 18 (devet više), itd.

Za 697 djela ili 55,9% identifikovan je osumnjičeni izvršilac što je za 0,5% više.

Objekti napada pri vršenju krivičnih djela protiv imovine najčešće su bili stambeni objekti – 298 puta (74 više), zatim motorna vozila (otuđenja pmv i “provale” u ista) - 296 (45 više), poslovni prostori i prodavnice – 138 (četiri manje), na ulici – 29 (deset manje) i u ostalim objektima pet puta (dva manje), pri čemu su otuđivana motorna vozila, novac, tehnička roba, zlatni nakit, auto-dijelovi, prehrambeni proizvodi, cigarete, itd.

U prva tri mjeseca ove godine na području Kantona Sarajevo izvršeno je 148 krivičnih djela teških krađa motornih vozila, od čega je 51 ili 34,5% vraćeno (od strane policije MUP Kantona Sarajevo vraćena su 24 vozila, MUP RS-a – pet, drugih MUP-ova – tri vozila, uz novčanu nadoknadu - tri, a 16 vozila vlasnici su sami pronašli).

U odnosu na uporedni period broj otuđenih vozila povećan je za 32 ili 27,6%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 41 lica (21 više), a zbog postojanja osnova sumnje da su počinili krivična djela iznude novca za otkup ukradenih vozila podneseni su službeni izvještaji protiv tri lica (dva više). Na području Kantona Sarajevo u periodu januar – mart ove godine registrovano je 169 djela razbojništva (četiri ili 2,3% manje).

Razbojništva su počinjena u prodavnicama - 84 puta (20 više), na ulici – 48 puta (osam više), sportskim kladionicama – 13 (20 manje), u apotekama – pet (isti broj), itd.

Navedena djela izvršena su prijetnjom upotrebe vatrenog oružja – 77 puta (23 više), prijetnjom i upotrebom noža ili drugog oštrog predmeta (komad stakla, šrafciğer i sl.) – 53 (tri više) i upotrebom fizičke snage - 39 puta (30 manje). Otuđivan je novac, mobiteli, tašne, nakit, itd.

Za ukupno 87 ovih djela ili 51,5% identifikovan je osumnjičeni izvršilac što je za 11% više u odnosu na isti period 2012. godine.

Nasilno oduzimanje mobitela direktno se odražava i na broj teških krađa na naročito opasan ili naročito drzak način. U ovom periodu evidentirana su 62 djela ove vrste (27 manje), od čega je 40 ili 64,5% „rasvjetljeno“, što je 0,5% više.

Za izvršenje ovih oblika teških krađa, prijavljeno je 30 lica, od kojih su 22 povratnika, a 11 je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 28 djela (četiri više) i to: izazivanje opće opasnosti – 27 djela (isti broj) i uništenje važnih privrednih objekata ili javnih naprava - jedno djelo.

- Krivična djela izazivanja opće opasnosti izvršena su na otvorenom prostoru – 24 puta, u stambenom, ugostiteljskom objektu i prodavnici – po jednom. U dva slučaja aktivirana je nepoznata eksplozivna naprava, 15 puta je pucano iz vatrenog oružja i u 10 slučajeva je otvorenim plamenom izazvan požar. Posljedica izvršenja navedenih djela je ranjavanje dva lica i nastala materijalna šteta.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 24 lica, od čega je 14 povratnika, a 12 je lišeno slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovana su 83 krivična djela (četiri manje) i to: nasilničko ponašanje - 32 djela (pet manje), nedozvoljeno držanje oružja ili eksplozivnih materija – 18 (četiri više), napad na službenu osobu u vršenju poslova sigurnosti – 12 (četiri više), krivotvorenje isprave – osam (dva više), skidanje ili povreda službenog pečata ili znaka – tri (16 manje), itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 96 lica, od kojih je 61 povratnik ili 63,5%, a 51 je lišeno slobode.

KRIVIČNA DJELA POČINJENA OD STRANE MALOLJETNIKA

U periodu januar- mart 2013. godine **prijavljeno je 60 maloljetnika** zbog osnova sumnje da su **izvršili 65 krivičnih djela**. U poređenju sa istim periodom 2012. godine, broj krivičnih djela za čije izvršenje su prijavljena maloljetna lica smanjen je za 21 ili 24,4%, dok je broj prijavljenih maloljetnih učinilaca ovih djela povećan za tri ili 5,3%.

Pregled broja maloljetnih izvršilaca krivičnih djela za period januar-mart 2013. godine, prema starosnoj strukturi

| Starosna dob maloljetnika | do 14 god. | od 14 do 16 god. | od 16 do 18 god. | ukupno |
|-----------------------------|------------|------------------|------------------|--------|
| Broj maloljetnih izvršilaca | 4 | 26 | 30 | 60 |

Među maloljetnim učiniocima krivičnih djela, najveći broj je u dobi od 17 godina, dok je povratnika u izvršenju krivičnih djela 24 (ili 40%).

Posmatrano po organizacionim jedinicama MUP-a Kantona Sarajevo i broju službenih izvještaja koji su podneseni nadležnom tužilaštvu protiv maloljetnih učinilaca krivičnih djela u protekla tri mjeseca 2013. godine, može se konstatovati da su maloljetnici najveći broj krivičnih djela izvršili na području **općina Novo Sarajevo** (15 ili 23,1%) i **Novi Grad** (13 ili 20%).

Podaci sa kojima raspoložemo ukazuju na raznolikost krivičnih djela za koja su prijavljeni maloljetnici, ali su ipak **najbrojnija krivična djela protiv imovine-47 (ili 72,3%)**, pri čemu prevladavaju teške krađe (**18 ili 38,3%**) i teške krađe na naročito drzak i opasan način (**10 ili 21,3%**). U odnosu na isti period prošle godine, u protekla tri mjeseca znatno je smanjen broj krivičnih djela teških krađa (za 18 ili 50%), dok je broj teških krađa na naročito drzak i opasan način povećan za četiri ili 66,7%.

Jedno maloljetno lice prijavljeno je za izvršenje krivičnog djela ubistvo u pokušaju, 11 maloljetnika prijavljeno za izvršenje pet krivičnih djela nanošenja teške tjelesne povrede, petero ih je prijavljeno zbog tuče, pet ih je prijavljeno za tri djela nasilničkog ponašanja, a dva zbog dva krivična djela napad na policijskog službenika.

Pregled registrovanih krivičnih djela izvršenih od strane maloljetnih lica
u periodu januar-mart 2013/2012. godine

| Naziv krivičnog djela | januar-mart 2013. | januar-mart 2012. | uporedba |
|---|-------------------|-------------------|-----------------------|
| <i>Ubistvo-pokušaj</i> | 1 | 0 | +1 |
| <i>Teška tjelesna povreda</i> | 5 | 4 | +1 ili 25% |
| <i>Lahka tjelesna povreda</i> | 0 | 1 | -1 ili -100% |
| <i>Učestvovanje u tuči</i> | 1 | 0 | +1 |
| <i>Ugrožavanje sigurnosti</i> | 4 | 2 | +2 ili 100% |
| <i>Proizvodnja i stavljanje u promet opoj. droga</i> | 0 | 1 | -1 ili -100% |
| <i>Posjedov. i omoguć. uživanja opoj. droga</i> | 2 | 5 | -3 ili -60% |
| <i>Krađa</i> | 7 | 5 | +2 ili 40% |
| <i>Teška krađa</i> | 18 | 36 | -18 ili -50% |
| <i>Teška krađa-pokušaj</i> | 4 | 5 | -1 ili -20% |
| <i>“Drška “ krađa</i> | 10 | 6 | +4 ili 66,7% |
| <i>“Drška “ krađa-pokušaj</i> | 0 | 1 | -1 ili -100% |
| <i>Razbojništvo</i> | 6 | 5 | +1 ili 20% |
| <i>Utaja</i> | 1 | 1 | 0 |
| <i>Oštećenje tuđe stvari</i> | 1 | 3 | -2 ili -66,7% |
| <i>Prikrivanje</i> | 0 | 1 | -1 ili -100% |
| <i>Izazivanje opće opasnosti</i> | 0 | 1 | -1 ili -100% |
| <i>Napad na službenu osobu u vršenju poslova sigurnosti</i> | 2 | 0 | +2 |
| <i>Nasilničko ponašanje</i> | 3 | 8 | -5 ili -62,5% |
| <i>Nedozvoljeno držanje oružja i eksp. materija</i> | 0 | 1 | -1 ili -100% |
| <i>ukupno</i> | 65 | 86 | -21 ili -24,4% |

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu januar-mart 2013. godine na području Kantona Sarajevo registrovana su četiri slučaja aktiviranja minsko-eksplozivnih sredstava (jedan više u odnosu na isti period 2012. godine), od kojih su tri izazvana nepažnjom. Tom prilikom jedno lice je smrtno stradalo, a dva su lakše povrijeđena.

Registrovane su tri anonimne dojave o postavljenoj eksplozivnoj napravi (jedna manje u odnosu na isti period 2012. godine), a nakon KDZ pregleda utvrđeno je da su dojave bile lažne. U dva slučaja izvršioци su identifikovani i protiv njih su preduzete zakonske mjere. Takođe, u mjesecu januaru identifikovana su i dva lica koja su u novembru prošle godine u tri navrata upućivala lažne dojave o postavljenoj eksplozivnoj napravi u Srednjoj medicinskoj školi.

POŽARI

Tokom perioda januar – mart 2013. godine, na području Kantona Sarajevo registrovano je 26 požara (18 manje), koji su za posljedicu imali materijalnu štetu.

Prema statističkim pokazateljima, 17 požara je izazvano namjerno, tri zbog tehničkih nedostataka, dok uzrok šest požara spada u kategoriju ostalih.

Zbog izazivanja požara nadležnom tužilaštvu je podneseno 10 službenih izvještaja iz člana 323 KZ FBiH (izazivanje opće opasnosti).

SAMOUBISTVA

U prva tri mjeseca 2013. godine na području Kantona Sarajevo registrovano je devet samoubistava (četiri manje), koja su izvršena vješanjem - pet puta, skokom sa visine - dva, presjecanjem vena i samospaljivanjem – po jednom.

Prema spolu, izvršioци su sedam muškaraca i dvije žene, od kojih su četiri lica u dobi od 20 do 50 godina i pet lica preko 50 godina života.

JAVNI RED I MIR

U periodu januar-mart 2013 godine zbog raznih oblika narušavanja javnog reda i mira policijski službenici su uručili/podnijeli **1.137 prekršajnih naloga i zahtjeva** za pokretanje prekršajnog postupka (naloga-800, zahtjeva-337), što u odnosu na isto tromjesečje 2012. godine predstavlja smanjenje za 10 ili 0,9%. Prekršajne sankcije preduzete su **protiv 1.234 lica** (14 ili 1,1% manje). Na prekršaje utvrđene Zakonom o prekršajima protiv javnog reda i mira odnosi se 1.047, dok se 90 naloga i zahtjeva odnosi na prekršaje koji su regulisani Odlukom općinskih vijeća.

Najveći broj prekršajnih naloga i zahtjeva podnesen je zbog prekršaja učinjenih **prosjačenjem** (42,7%).

Tabelarni pregled broja uručenih/podnesenih naloga i zahtjeva za period januar-mart 2013. godine

| period | prekršajni nalozi | zahtjevi za ppp | ukupno |
|---------|-------------------|-----------------|-------------|
| januar | 249 | 106 | 355 |
| februar | 249 | 123 | 372 |
| mart | 302 | 108 | 410 |
| ukupno | 800 | 337 | 1137 |

Od ukupnog broja prekršajnih sankcija, 127 ili 11,2% odnosi na lica koja su i ranije činila prekršaje (povratnici), 34 ili 3% na maloljetna lica, a tri na strane državljanke.

Najveći broj učinilaca prekršaja je u starosnoj dobi **preko 36 godina -571**, zatim između 26 i 35 godina- **371** i između 19 i 25 godina- **248**, dok je maloljetnih lica bilo **44**. Maloljetnici su u najvećem broju slučajeva sankcionisani zbog učestvovanja u tučama, a lica starosne dobi preko 36 godina najbrojniji su u prekršajima učinjenim prosjačenjem, tučama i naročito drskim ponašanjem.

Prilikom narušavanja javnog reda i mira u periodu januar-mart 2013. godine, u slučajevima kada se radilo o prekršajima, **nije bilo teže povrijeđenih lica** (kao ni u istom periodu 2012. godine), dok je **lakše povrijeđeno 85** lica (20 ili 19% manje).

Od ukupno 1.137 prekršaja protiv javnog reda i mira, najbrojnija su **prosjačenja-485** (ili 42,7%); tuče-**166** (ili 14,6); naročito drsko ponašanje-**127** (ili 11,2%); odbijanje naređenja i omalovažavanje policijskih službenika-**95** (ili 8,4%); svađa, vika i nepristojno ponašanje-**28**, paljenje petardi-**devet**, te ostali prekršaji iz Zakona o prekršajima protiv javnog reda i mira-**137**. Na prekršaje utvrđene Odlukom općinskih vijeća odnosi se **90 naloga i zahtjeva**.

Struktura prekršaja iz oblasti javnog reda i mira za period januar- mart 2013/2012. godine

| STRUKTURA PREKRŠAJA | januar-mart 2013. | januar-mart 2012. | uporedba |
|--|-------------------|-------------------|----------------|
| - <i>Tuča</i> | 166 | 198 | -32 ili -16,2% |
| - <i>Naročito drsko ponašanje</i> | 127 | 149 | -22 ili -14,8% |
| - <i>Odbijanje naređenja i omalovažavanjem pol.sl.</i> | 95 | 82 | +13 ili 15,9% |
| - <i>Prosjačenje</i> | 485 | 443 | +42 ili 9,5% |
| - <i>Svađa, vika, nepristojno ponašanje</i> | 28 | 29 | -1 ili -3,4% |
| - <i>Paljenje petardi</i> | 9 | 10 | -1 ili -10% |
| - <i>Ostali prekršaji iz Zakona o pr.protiv JRiM</i> | 137 | 149 | -12 ili -8,1% |
| Prekršaji prema odluci OV o JRiM | 90 | 87 | +3 ili 3,4% |
| ukupno | 1.137 | 1.147 | -10 ili -0,9% |

U odnosu na isti period 2012. godine, u proteklom tromjesečju **povećan** je broj prekršajnih sankcija zbog narušavanja javnog reda i mira odbijanjem naređenja i omalovažavanjem policijskih službenika, te prosjačenjem, a neznatno je povećan i broj prekršaja koji su utvrđeni Odlukom općinskih vijeća.

Prema mjestu izvršenja, a na osnovu broja uručenih naloga i podnesenih zahtjeva, najveći broj prekršaja učinjen je **na ulici** i na drugim otvorenim prostorima-**930** (ili 81,8%), a znatno manje na ostalim mjestima:

- ugostiteljski objekti-76;
- trgovinske i zanatske radnje-12;
- škole i školska dvorišta-9;
- vozila javnog saobraćaja-6

-sportski stadioni i dvorane-3 i
-ostala mjesta-101.

Broj prekršaja iz oblasti javnog reda i mira prema mjestu izvršenja
za period januar-mart 2013./2012. godine

| MJESTO IZVRŠENJA | januar-mart 2013. | januar-mart 2012. | uporedba |
|--------------------------------|-------------------|-------------------|---------------|
| Ulica i drugi otvoreni prostor | 930 | 961 | -31 ili -3,2% |
| Ugostiteljski objekti | 76 | 73 | +3 ili 4,1% |
| Sportski stadioni i dvorane | 3 | 9 | -6 ili -66,7% |
| Vozila javnog saobraćaja | 6 | 6 | 0 |
| Škole i školska dvorišta | 9 | 7 | +2 ili 28,6% |
| Trgovinske i zanatske radnje | 12 | 12 | 0 |
| Ostala mjesta | 101 | 79 | +22 ili 27,8% |
| UKUPNO | 1.137 | 1.147 | -10 ili -0,9% |

U proteklom tromjesečju ove godine, u odnosu na isti period 2012. godine, povećan je broj prekršajnih sankcija koje su preduzete zbog prekršaja izvršenih u ugostiteljskim objektima, školama i školskim dvorištima, te na ostalim mjestima. Broj prekršaja izvršenih u vozilima javnog saobraćaja i u trgovinskim radnjama je nepromijenjen, dok je broj prekršaja izvršenih na ulici i na sportskim terenima smanjen.

Pored prekršajnih sankcija zbog prekršaja izvršenih u školama i školskim dvorištima, policijski službenici su zbog krivičnih djela izvršenih na ovom lokalitetu, nadležnom tužilaštvu podnijeli 14 službenih izvještaja (tri više u odnosu na isti period 2012. godine) i to zbog sljedećih djela: ugrožavanje sigurnosti-pet, teška krađa na naročito drzak i opasan način-tri, teška tjelesna povreda-dva, lahka tjelesna povreda, nasilničko ponašanje, teška krađa i krađa-po jedno djelo.

Na području Kantona Sarajevo u periodu januar-mart 2013. godine održano je šest protestnih skupova (pet manje u odnosu na isti period 2012. godine) i tim povodom preduzimane su odgovarajuće planske aktivnosti na njihovom bezbjednom odvijanju, tako da su skoro sva protestna okupljanja protekla bez narušavanja javnog reda i mira. Izuzetak je javni skup penzionisanih vojnika OSBiH, kada su protestanti pokušali nasilno ući u zgradu Parlamenta FBiH, što je spriječeno od strane policijskih službenika. Tom prilikom povrijeđena su dva lica.

U mjesecu martu ove godine došlo je do narušavanja javnog reda i mira u većem obimu tučom navijača FK „Željezničar“ nakon završetka utakmice na Grbavici. Policijski službenici su, u pokušaju razdvajanja učesnika u tuči, napadnuti od strane navijača koji su bacali kamenje u njihovom pravcu, kojom prilikom je lakše povrijeđeno 19 policijskih službenika i dva navijača FK „Željezničar“, a oštećeno je i šest putničkih vozila parkiranih u blizini mjesta događaja.

3. SAOBRAĆAJ

Tokom prvog tromjesečja 2013. godine, stanje sigurnosti saobraćaja karakteriše smanjenje ukupnog broja saobraćajnih nezgoda i nezgoda sa materijalnom štetom, dok je povećan broj nezgoda sa nastradalim licima i broj nastradalih lica.

Registrovana je 2.351 saobraćajna nezgoda (141 ili 5,6 % manje), 2.164 sa materijalnom štetom (165 ili 7,1 % manje) i 187 sa nastradalim licima (24 ili 14,7 % više).

U naselju su registrovane 2.252 saobraćajne nezgode (dvije sa poginulim, 166 sa povrijeđenim licima i 2.084 sa materijalnom štetom), van naselja 99 nezgoda (četiri sa poginulim, 15 sa povrijeđenim licima i 80 sa materijalnom štetom).

Registrovane su 402 saobraćajne nezgode na raskrsnicama u naselju, 49 na pješačkom prelazu, 11 na raskrsnicama van naselja, tri na nadvožnjaku, jedna na mostu, jedna na prelazu preko željezničke pruge i 1.884 saobraćajne nezgode čije se karakteristike ubrajaju u kategoriju ostalih.

Usporedni pokazatelji stanja sigurnosti saobraćaja na području Kantona Sarajevo
januar-mart 2013/2012.godine

| | 2013 | 2012 | +, -, % |
|--|-------|-------|-----------------|
| UKUPNO SAOBRAĆAJNIH NEZGODA | 2.351 | 2.492 | - 141 ili 5,6 % |
| Saobraćajne nezgode sa nastradalim licima | 187 | 163 | + 24 ili 14,7 % |
| Saobraćajne nezgode sa materijalnom štetom | 2.164 | 2.329 | - 165 ili 7,1 % |
| POGINULO LICA | 6 | 3 | + 3 ili 100 % |
| - vozači | 2 | 0 | + 2 |
| - putnici | 1 | 0 | + 1 |
| - pješaci | 3 | 3 | isto |
| POVRIJEĐENO LICA | 237 | 219 | + 18 ili 8,2 % |
| - vozači | 92 | 77 | + 15 ili 19,5 % |
| - putnici | 73 | 67 | + 6 ili 8,9 % |
| - pješaci | 72 | 75 | - 3 ili 4 % |

Tokom prvog tromjesečja 2013 godine, u saobraćajnim nezgodama na području Kantona Sarajevo 243 lica su nastradala (21 ili 9,4 % više). Šest lica je poginulo (tri ili 100 % više), dok je 237 lica povrijeđeno (18 ili 8,2 % više), 28 teže i 209 lakše.

Među poginulim licima, tri su pješaka, dva vozača i jedan putnik.

Od ukupno 237 povrijeđenih lica, 92 su vozača (15 više), putnika – 73 (šest više) i pješaka - 72 (tri manje).

Kada je u pitanju stepen povreda, šest vozača je teže, a 86 lakše povrijeđeno. Četiri putnika su teže, a 69 lakše povrijeđeno, dok je 18 pješaka teže i 54 lakše povrijeđeno.

Broj nastradalih lica u saobraćajnim nezgodama po kategoriji učesnika
januar-mart 2013/2012

| | POGINULI | | | TEŠKO POVRIJEĐENI | | | LAKŠE POVRIJEĐENI | | |
|---------|----------|------|---------------|-------------------|------|---------------|-------------------|------|-----------------|
| | 2013 | 2012 | +, -, % | 2013 | 2012 | +, -, % | 2013 | 2012 | +, -, % |
| VOZAČI | 2 | 0 | + 2 | 6 | 3 | + 3 ili 100 % | 86 | 74 | + 12 ili 16,2 % |
| PUTNICI | 1 | 0 | + 1 | 4 | 4 | isto | 69 | 63 | + 6 ili 9,5 % |
| PJEŠACI | 3 | 3 | isto | 18 | 18 | isto | 54 | 57 | - 3 ili 5,3 % |
| UKUPNO | 6 | 3 | + 3 ili 100 % | 28 | 25 | + 3 ili 12 % | 209 | 194 | + 15 ili 7,7 % |

UZROCI SAOBRAĆAJNIH NEZGODA

Osim ostalih uzroka (1.867), koji su za posljedicu imali 110 povrijeđenih lica, najčešći uzroci saobraćajnih nezgoda bili su: neprilagođena brzina 427 saobraćajnih nezgoda (pet lica poginulo i 104 povrijeđena) i uticaj alkohola –54 (jedno lice poginulo i 19 lica povrijeđeno). Klizav put izazvao je dvije saobraćajne nezgode u kojima su četiri lica povrijeđena, a odron na putu - jednu nezgodu sa materijalnom štetom.

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 65.116 vozila (7.555 više).

Zbog tehničke neispravnosti, iz saobraćaja je isključeno 81 vozilo (84 manje), 1.688 vozača je zatečeno da upravljaju vozilom pod dejstvom alkohola (382 više), 3.751 bez korištenja sigurnosnog pojasa (1.152 više), 724 bez položenog vozačkog ispita (261 više), a 622 vozača su učestvovala u saobraćaju bez važeće registracije (185 više).

Zbog kršenja propisa iz oblasti sigurnosti saobraćaja uručena su 42.274 prekršajna naloga vozačima (4.994 više), podneseno 319 zahtjeva za pokretanje prekršajnog postupka (235 više) i registrovano 27 krivičnih djela zbog ugrožavanja sigurnosti javnog prometa (10 više).

ZAKONITOST U RADU

Tokom prvog tromjesečja 2013. godine, registrovano je 13 napada na službenu osobu u vršenju poslova sigurnosti (pet više). U napadima je učestvovalo 17 lica, među kojima su dva maloljetnika.

Službenici policije su tokom izvještajnog perioda 14 puta opravdano upotrijebili silu (dva više).

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U periodu januar – mart 2013. godine evidentirano je 35 krivičnih djela koja su regulisana Zakonom o nabavljanju, držanju i nošenju oružja i municije (deset više), počinjenih od strane 35 izvršilaca, od kojih je devet lišeno slobode.

U ovom periodu organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovala u realizaciji akcije "ŽETVA 2013" s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji između ostalog prikupljeno je slijedeće naoružanje:

- ručne bombe – 34 komada.,
- mine, granate i sl – šest kom.,
- puške – dva kom.,
- pištolji – jedan kom.,
- municija raznog kalibra – 708 kom., itd.

Od strane Policijskih uprava fizičkim licima izdata su 162 odobrenja za nabavku vatrenog oružja (39 manje) i 294 oružna lista (82 više).

Takođe, u sklopu aktivnosti na oduzimanju nelegalno posjedovanog oružja i drugih predmeta oduzeto je: 28 pištolja, 14 pušaka, 50 noževa ili drugih oštih predmeta, šest ručnih bombi, tri boksera, 6.896 kom. petardi, 932 kom. municije različitog kalibra, itd.

RAD POLICIJE U ZAJEDNICI

Tokom prvog tromjesečja 2013. godine, u okviru rada policije u zajednici, a u cilju planskog stvaranja pozitivnog odnosa između policije i lokalne uprave, te razvijanja partnerskih odnosa sa društvenim subjektima radi omogućavanja i povećanja sigurnosti pojedinaca, društvenih grupa i zajednice u cjelini, policijski službenici MUP-a Kantona Sarajevo su u izvještajnom periodu preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, nevladinim organizacijama, raznim udruženjima građana, predstavnicima vjerskih zajednica, školama, i dr.

U sklopu svojih redovnih aktivnosti službenici policije su vršili kontinuirane obilaske obrazovnih institucija, zatim ostvarivali kontakte sa vjerskim službenicima u vezi preduzimanja zajedničkih aktivnosti na osiguranju vjerskih objekata, kao i sa organizatorima sportskih, kulturnih i drugih manifestacija, te preduzimali i druge aktivnosti u sklopu projekta „Policajac u kvartu“.

Tokom mjeseca januara ove godine kontinuirano su provođene aktivnosti u cilju priprema na provođenju druge faze projekta „Sa policijom kino“ čiji je realizator bila Uprava policije MUP-a Kantona Sarajevo u saradnji sa predstavnicima filmskog i izdavačkog preduzeća „Tropic“ iz Zenice, kina „Cinema city“, te NATO-štaba Sarajevo. U okviru projekta djeca su bila u prilici pogledati dva nova i veoma popularna crtana filma. Pored toga, policijski službenici su učenicima pokazali i prigodne, edukativne video-klipove iz oblasti sigurnosti saobraćaja, međuvršnjačkog nasilja i zloupotrebe opojnih droga.

U osnovnim školama učenicima su održana predavanja na teme: „Stop međuvršnjačkom nasilju“, „Neka znanje bude tvoje jedino oružje“ i „Prosjačenje“, te stim u vezi uručeni plakati, brošure i propagandni materijali.

U mjesecu martu u sali Jedinice za specijalističku podršku je održano predavanje na temu „Rad policije u zajednici“, policijskim službenicima do čina mlađi inspektor.

Sve navedene kao i druge aktivnosti doprinijele su još boljoj saradnji policije i građana i stvaranju međusobnog povjerenja kao preduslova za povećanje stepena sigurnosti.

Sarajevo, 16.04.2013.godine
Odsjek za odnose s javnošću
MUP-a Kantona Sarajevo